

საქართველოს ახალგაზრდა იურისტთა ასოციაცია
GEORGIAN YOUNG LAWYERS' ASSOCIATION



**საია გმობს პარლამენტარ აზერ
სულეიმანოვის მიერ სიძულვილის ენის
გამოყენებას და დეპუტატს
თავშეკავებისაკენ მოუწოდებს**

საია შემფოთებულია საქართველოს პარლამენტის წევრის აზერ სულეიმანოვის მიერ დეპუტატ ჯონდი ბალათურის მისამართით გავრცელებული შეფასებებით, მიიჩნევს მათ სიძულვილის ენის გამოვლინებად და გამონათქვამის ავტორს მომავალში მსგავსი ქმედებისაგან თავის შეკავებისაკენ მოუწოდებს. საქართველოს პარლამენტში სიტყვით

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



გამოსვლისას ჯონდი ბალათურიამ აღნიშნა, რომ საკანონმდებლო ორგანოს ჩერქებთა გენოციდის აღიარების შემდეგ, არგუმენტები არ გააჩნია, უარი განაცხადოს ოსმალთა იმპერიაში სომეხთა გენოციდის აღიარებაზე. ჯონდი ბალათურიას სიტყვა შეაწყვეტინა პარლამენტის წევრმა აზერ სულეიმანოვმა და შემდეგი სიტყვით მიმართა: "ჩვენი სომეხი კოლეგა, ბატონი ჯონდი ბალათურიანი თავის სომხურ აზრზე დარჩა."

პარლამენტის წევრის, აზერ სულეიმანოვის გამონათქვამი წარმოადგენს ვერბალურ თავდასხმას სომხურ ეთნიკურ ჯგუფზე, ღიად გამოხატავს რა აღნიშნული ეთნიკური თემის მიმართ აშკარად მტრულ დამოკიდებულებას. წარმოთქმულ ფრაზაში წარმოჩენილია, ის რომ სომხური ეთნიკური ჯგუფის წარმომადგენლებისათვის დამახასიათებელი გვარის ტარება დამაკნინებელია ადამიანისათვის.

საის სურს, დეპუტატ აზერ სულეიმანოვს შეახსენოს, რომ საქართველოს პარლამენტის მიერ 1999 წელს რატიფიცირებული რასობრივი დისკრიმინაციის ყველა ფორმის აღმოფხვრის შესახებ გაეროს კონვენციის მე-4 მუხლის „ა“ ქვეპუნქტის შესაბამისად, დაუშვებელია ისეთი იდეების გავრცელება, რაც ემყარება რასობრივ (ეთნიკური წარმომავლობის ნიშნით) ზიზღს. ხოლო აღნიშნული კონვენციის მონაწილე სახელმწიფოები, მათ შორის საქართველო, გმობენ აღნიშნულ ნიადაგზე წარმოებულ ყოველგვარ პროპაგანდას.

ზემოხსენებული კონვენციის ამავე მუხლის „გ“ ქვეპუნქტი, უკრძალავს ნაციონალურ სახელმწიფო ორგანოებს რასობრივი დისკრიმინაციის წახალისებას.

სამწუხაროა, ის გარემოება, რომ საქართველოს პარლამენტის ზოგიერთი წევრი, მასზე, როგორც ხალხის წარმომადგენელზე, დაკისრებული მოვალეობის შესრულებისას დაკავებულია კონვენციასთან შეუსაბამო საქმიანობით და ეწევა ეთნიკური ნიშნით სიძულვილის აშკარა ტირაჟირებას. საია მოუწოდებს პარტლამენტის თითოეულ წევრს, თავი შეიკავონ მსგავსი ტიპის გამონათქვამებისაგან.